

Հանրապետությունում ստուգումների կազմակերպման և անցկացման մասին» ՀՀ օրենքին:

Հաշվի առնելով վերոգրյալը տեղեկացնում ենք, որ ՀՀ ԱՆ առողջապահական տեսչական մարմնի ղեկավարի 2018 թվականի փետրվարի 8-ի № 20-Ա հրամանում «ուսումնասիրություն» հասկացությունը չի օգտագործվել «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքով սահմանված իր բովանդակությանը համապատասխան: Գործնականում աշխատանքային խումբն ուսումնասիրելով բժշկական կենտրոնում տիրող վիճակը, ինչպես նաև արձանագրելով որոշ թերություններ 2018 թվականի փետրվարի 16-ին թիվ 444-18 գրությամբ (կցվում է) դիմել է «Մասիսի բժշկական կենտրոն» ՓԲԸ-ի տնօրեն Ն. Ավանեսյանին՝ առաջարկելով բնակչության բժշկական օգնությունը և սպասարկումը կազմակերպելիս պահպանել «Բնակչության բժշկական օգնության և սպասարկման մասին» ՀՀ օրենքի և ՀՀ առողջապահության նախարարի 2015 թվականի սեպտեմբերի 10-ի № 48-Ն և 2008 թվականի մարտի 4-ի № 03-Ն հրամանների պահանջները:

Հաշվի առնելով վերոգրյալը առաջարկվում է խմբագրել Արձանագրության 9-րդ բաժնի 2-րդ կետը:

8. Արձանագրության 10-րդ բաժնի վերաբերյալ հայտնում ենք հետևյալը՝

Հայաստանի Հանրապետության կառավարության 2018 թվականի հունիսի 11-ի № 755-Լ որոշման հավելվածի 11-րդ կետի 1-ին ենթակետի «գ» պարբերությամբ սահմանվում է, որ «Տեսչական մարմնի լիազորություններն են վերահսկողության շրջանակներում սանիտարահիգիենիկ փորձաքննության ու լաբորատոր հետազոտություններ կատարելու նպատակով նմուշառումը և գործիքային չափումների իրականացումը»: Սակայն Տեսչական մարմնի հաստիքացուցակով, որն աշխատանքային կարգով ներկայացվել է հաշվեքննություն իրականացնող պաշտոնատար անձանց, նման հաստիք նախատեսված չէ:

Հաշվի առնելով վերոգրյալը և առաջնորդվելով «Վարչարարության հիմունքների և վարչական վարույթի վերաբերյալ» ՀՀ օրենքի 45-րդ հոդվածի դրույթներով Տեսչական մարմինը հարուցված վարչական վարույթի շրջանակում նմուշառում և գործիքային չափումներ իրականացնելու նպատակով ներգրավում է համապատասխան

բնագավառի փորձագետներ ՀՀ ԱՆ «Հիվանդությունների վերահսկման և կանխարգելման ազգային կենտրոն» պետական ոչ առևտրային կազմակերպությունից:

Միաժամանակ տեղեկացնում ենք որ Տեսչական մարմնի կողմից 2018 թվականի դեկտեմբերի 4-ի թիվ 01/3169-18 գրությամբ (կցվում է) Վարչապետի աշխատակազմի տեսչական մարմինների աշխատանքների համակարգման գրասենյակին ներկայացվել է Տեսչական մարմնի բնականոն և արդյունավետ գործունեությանը խոչընդոտող հիմնական խնդիրների վերաբերյալ տեղեկանք, որի 9-րդ կետով առաջարկվել է Տեսչական մարմնում ստեղծել համապատասխան հաստիքներ՝ Կանոնադրության 11-րդ կետի 1-ին ենթակետով նախատեսված լիազորությունների շրջանակներում իրականացվող նմուշառումը և գործիքային չափումները պատշաճ կազմակերպելու նպատակով:

Հաշվի առնելով վերոգրյալը առաջարկվում է քննարկել Արձանագրության 10-րդ բաժինը խմբագրելու նպատակահարմարության հարցը:

9. Արձանագրության 11-րդ բաժինը վերաբերելի չէ Տեսչական մարմնին, ուստի վերջինիս անդրադարձ չի կատարվում:

10. Արձանագրության 12-րդ բաժնի 3-րդ կետի վերաբերյալ առաջարկվում է հաշվի առնել նաև «Հանրային ծառայության մասին» ՀՀ օրենքի 9-րդ հոդվածի 17-րդ մասը, որի համաձայն՝ «Նախարարի տեղակալին, Կառավարությանը ենթակա պետական մարմնի ղեկավարի տեղակալին, տեսչական մարմնի ղեկավարի տեղակալին, վարչապետին ենթակա պետական մարմնի ղեկավարի տեղակալին, մարզպետի տեղակալին արձակուրդ տրամադրում և խրախուսանքի միջոցներ կիրառում է անմիջական ղեկավարը:»:

Կից ներկայացվում է Արձանագրության ստորագրված տարբերակը:

Առդիր՝ 53 էջ:

27.12.2018

X



ԷԴԳԱՐ ԽՈՒՐՇՈՒԴՅԱՆ

Подписано: KHURSHUDYAN EDGAR 4001830221

ՀԱՐԳԱՆՔՈՎ՝

ԷԴԳԱՐ ԽՈՒՐՇՈՒԴՅԱՆ

Կատարող՝ Աննա Կոռյան
իրավական աջակցության
և փաստաթղթաշրջանառության բաժին (28)